

欽定四庫全書

續茶經卷下之三

候補主事陸廷燦撰

七之事

晉書溫嶠表遣取供御之調條列真上茶千片茗三百
大簿

洛陽伽藍記王肅初入魏不食羊肉及酪漿等物常飯

鯽魚羹渴飲茗汁京師士子道肅一飲一斗號為漏卮


欽定四庫全書

木待制

上應列宿萬民以濟稟性剛直摧折疆梗使隨方逐圓
之徒不能保其身善則善矣然非佐以法曹資之樞密
亦莫能成厥功

續茶經
卷下之六

三




定庫書
欽四全

茶經續茶經
二

中國書局

卷之四



上海圖書館藏

上海圖書館藏


上海圖書館藏

上海圖書館藏

欽定四庫全書

欽定四庫全書

一



上海圖書館藏

上海圖書館藏

上海圖書館藏

欽定四庫全書

唐·陸羽撰
清·陸廷燦撰

茶經 續茶經

(二二)

中國書局

圖書在版編目(CIP)數據

茶經·續茶經 / (唐) 陸羽著 ; (清) 陸廷燦續輯.
— 北京 : 中國書店, 2014.1
ISBN 978-7-5149-0999-9

I. ①茶… II. ①陸… ②陸… III. ①茶葉-文化-
中國-古代 IV. ①TS971

中國版本圖書館CIP數據核字(2013)第247516號

四庫全書·藝術類

茶經 續茶經

作者 唐·陸羽撰 清·陸廷燦撰

出版發行 中國書店

地址 北京市西城區琉璃廠東街一一五號

郵編 一〇〇〇五〇

印刷 北京中創彩色印刷有限公司

開本 730mm × 1130mm 1/16

印張 49.125

版次 二〇一四年一月第一版第一次印刷

書號 ISBN 978-7-5149-0999-9

定價 一二八元(全二冊)

詳校官候補知縣 臣 楊懋琦

續茶經

卷下之三至卷下之六

清·陸廷燦撰

一

茶錄

一卷

宋·蔡襄撰

二九五

品茶要錄

一卷

宋·黃儒撰

三〇七

宣和北苑貢茶錄

一卷

宋·熊蕃撰

三二一

北苑別錄

一卷

宋·趙汝礪撰

三七一

東溪試茶錄

一卷

宋·宋子安撰

三九九

煎茶水記

一卷

唐·張又新撰

四一九

欽定四庫全書

續茶經卷下之三

候補主事陸廷燦撰

七之事

晉書溫嶠表遣取供御之調條列真上茶千片茗三百

大簿

洛陽伽藍記王肅初入魏不食羊肉及酪漿等物常飯

鯽魚羹渴飲茗汁京師士子道肅一飲一斗號為漏卮

後數年高祖見其食羊肉酪粥甚多謂肅曰羊肉何如
魚羹茗飲何如酪漿肅對曰羊者是陸產之最魚者乃
水族之長所好不同並各稱珍以味言之甚是優劣羊
比齊魯大邦魚比邾莒小國唯茗不中與酪作奴高祖
大笑彭城王勰謂肅曰卿不重齊魯大邦而愛邾莒小
國何也肅對曰鄉曲所美不得不好彭城王復謂曰卿
明日顧我為卿設邾莒之食亦有酪奴因此呼茗飲為
酪奴時給事中劉縞慕肅之風專習茗飲彭城王謂縞

曰卿不慕王侯八珍而好蒼頭水厄海上有逐臭之夫
里內有學顰之婦以卿言之即是也蓋彭城王家有吳
奴故以此言戲之後梁武帝子西豐侯蕭正德歸降時
元乂欲為設茗先問卿於水厄多少正德不曉乂意答
曰下官生於水鄉而立身以來未遭陽侯之難元乂與
舉坐之客皆笑焉

海錄碎事晉司徒長史王濛字仲祖好飲茶客至輒飲
之士大夫甚以為苦每欲候濛必云今日有水厄

續搜神記桓宣武有一督將因時行病後虛熱更能飲
復茗一斛二斗乃飽纔減升合便以為不足非復一日
家貧後有客造之正遇其飲復茗亦先聞世有此病仍
令更進五升乃大吐有一物出如升大有口形質縮縐
狀似牛肚客乃令置之於盆中以一斛二斗復澆之此
物噲之都盡而止覺小脹又增五升便悉混然從口中
湧出既吐此物其病遂瘥或問之此何病客答云此病
名斛二瘕

潛確類書進士權紆文云隋文帝微時夢神人易其腦骨自爾腦痛不止後遇一僧曰山中有茗草煮而飲之當愈帝服之有效由是人競采啜因為之贊其略曰窮春秋演河圖不如載茗一車

唐書太和七年罷吳蜀冬貢茶太和九年王涯獻茶以涯為權茶使茶之有稅自涯始十二月諸道鹽鐵轉運權茶使令狐楚奏權茶不便於民從之

陸龜蒙嗜茶置園顧渚山下歲取租茶自判品第張

又新為水說七種其二惠山泉三虎邱井六淞江水人
助其好者雖百里為致之日登舟設蓬席齋束書茶竈
筆牀釣具往來江湖間俗人造門罕覩其面時謂江湖
散人或號天隨子甫里先生自比涪翁漁父江上文士
後以高士徵不至

國史補故老云五十年前多患熱黃坊曲有專以烙黃
為業者灞滻諸水中常有晝坐至暮者謂之浸黃近代
悉無而病腰腳者多乃飲茶所致也

韓晉公滉聞奉天之難以夾練囊盛茶末遣健步以進
黨魯使西番烹茶帳中番使問何為者魯曰滌煩消渴
所謂茶也番使曰我亦有之命取出以示曰此壽州者
此顧渚者此蘄門者

唐趙璘因話錄陸羽有文學多奇思無一物不盡其妙
茶術最著始造煎茶法至今鬻茶之家陶其像置煬突
間祀為茶神云宜茶足利鞏縣為薺偶人號陸鴻漸買
十茶器得一鴻漸市人沽茗不利輒灌注之復州一老

僧是陸僧弟子常誦其六羨歌且有追感陸僧詩

唐吳晦撫言鄭光業策試夜有同人突入吳語曰必先
必先可相容否光業為輟半鋪之地其人曰仗取一杓
水更託煎一碗茶光業欣然為取水煎茶居二日光業
狀元及第其人啓謝曰既煩取水更便煎茶當時不識
貴人凡夫肉眼今日俄為後進窮相骨頭

唐李義山雜纂富貴相擣藥碾茶聲

唐馮贄烟花記建陽進茶油花子餅大小形製各別極

可愛宮嬪縷金於面皆以淡粧以此花餅施於鬢上時
號北苑粧

唐玉泉子崔蠡知制誥丁太夫人憂居東都里第時尚
苦節嗇四方寄遺茶藥而已不納金帛不異寒素

顏魯公帖廿九日南寺通師設茶會咸來靜坐離諸煩
惱亦非無益足下此意語虞十一不可自外耳顏真卿
頰首頰首

開元遺事逸人王休居太白山下日與僧道異人往還

每至冬時取溪水敲其晶瑩者煮建茗共賓客飲之

李鄴侯家傳皇孫奉節王好詩初煎茶加酥椒之類遺
泌求詩泌戲賦云旋沫翻成碧玉池添酥散出琉璃眼
奉節王即德宗也

中朝故事有人授舒州牧贊皇公德裕謂之曰到彼郡
日天柱峯茶可惠數角其人獻數十斤李不受明年罷
郡用意精求獲數角投之李閱而受之曰此茶可以消
酒食毒乃命烹一觥沃於肉食內以銀合閉之詰旦視

其肉已化為水矣衆服其廣識
段公路北戶錄前朝短書雜說呼茗為薄為夾又梁
科律有薄茗干夾云云

唐蕪鶚杜陽雜編唐德宗每賜同昌公主饌其茶有綠
華紫英之號

鳳翔退耕傳元和時館閣湯飲待學士者煎麒麟草
溫庭筠採茶錄李約字存博汧公子也一生不近粉黛
雅度簡遠有山林之致性嗜茶能自煎嘗謂人曰當使

湯無妄沸庶可養茶始則魚目散布微微有聲中則四際
泉湧纍纍若貫珠終則騰波鼓浪水氣全消此謂老湯
三沸之法非活火不能成也客至不限甌數竟日爇火
執持茶器弗倦曾奉使行至陝州硤石縣東愛其渠水
清流旬日志發

南部新書杜幽公宗位極人臣富貴無比嘗與同列言
平生不稱意有三其一為澧州刺史其二貶司農卿其
三自西川移鎮廣陵舟次瞿塘為駭浪所驚左右呼喚